

N° 2022/E2/33

**Question orale déposée par Véronique PIETRI
au nom du Groupe « Core in Fronte »**

UGHJETTU : Esercizi militari in Sardegna.

L'armata taliana, incù 7 paesi, 4000 personi, bateddi, suttumarini, alicottari è avviò) membri di l'Urganizzazioni di u Trattatu Nordu Atlanticu, hà urganizatu à u mesi di maghju un eserciziu d'impurtanza militari in Sardegna vicina.

Nimu un pò dubbità chì l'impurtanza d'iss'uperazioni hè in rilazioni incù u cunflittu armatu chì à i cunfini di l'Auropa upponi a Ripubblica Parlimentaria d'Ukraina è a Federazioni di a Russia.

Ugnunu, incù a so analisi parsunali, s'hè prununciatu nant'à ssu gravissimu cunflittu à impurtantissimi cunsequenzi par u Mondu, par l'Auropa è par u Meditarraniu.

Par contu nosciu :

Tinindu contu di a vicinanza trà Corsica è Sardegna ;

Tinindu contu chì a Corsica dinò t'ha basi militari francesi ancu di leia incù l'OTAN com'è quidda di A Sulinzara ;

Tinindu contu chì a Sardegna è a Corsica so tarri storichi chì portani populi e Nazioni chì ùn sò ricunisciuti ;

Tinindu contu, ancu si un 'emu u puteri, di u nosciu drittu à a parola pà ricusà chì i nosci paesi un sighini utilizzati pà uperazioni militari stranieri chi un hani nunda à veda incu i nosci intaressi paisani ;

Tinindu contu chì a Cullitività di Corsica hè naturalmenti membru di u Cunsigliu permanenti Corsu Sardu missu in ballu in u 2016 ;

Tinindu contu chì in i travaddi fatti da ssu cunsigliu c'hè a tematica pricisa di "difesa di l'intaressi cumuni di i dui isuli di pettu à l'Unioni Auropea".

U Meditaraniu hè un locu di storia, di cultura, di sviluppu e di filusifia umana. U Meditarraniu t'hà bisognu di ricuniscenza e di paci. I sardi è i corsi devini parlà insemu è à alta voci.

Vi dumandemu si vo seti d'accunsentu par riuni ssu cunsigliu corsu-sardu, l pruvucà riunioni nant'à stu sughjettu, è piddà una pusizioni cumuna par u ricusu di a guerra, u ricusu di l'usu di i nosci isuli com'è basi militari è ramintà i dritti dami scedda da par noi u nosciu avvena ?